



Australski registar donatora organa

Šta je Australski registar donatora organa?

Australski registar donatora organa (u daljem tekstu: Registar donatora) daje ljudima mogućnost da zabilježe svoju odluku da postanu donatori organa ili tkiva za potrebe transplantacije nakon svoje smrti.

Ovlašteno medicinsko osoblje ima pristup Registru donatora 24 sata dnevno.

To obezbjeđuje da, u slučaju smrti, odluka osobe da donira organ je zabilježena i pristupačna.

Upisivanje vaše odluke u Registar donatora je dobrovoljno i vi imate potpuno pravo odlučivanja o tome koje organe i tkivo ste spremni donirati. Doniranje može obuhvatiti:

- organe – uključujući bubrege, srce, pluća, jetru i gušteračus
- tkiva – uključujući srčane zaliske, koštano tkivo, kožu ili očno tkivo.

Ako ne želite postati donator organa ili tkiva, tu odluku možete također zabilježiti u Registar donatora.

Zbog čega treba da razmislim o donaciji organa i tkiva?

Mnogim osobama koje imaju neku ozbiljnu ili po život opasnu bolest, presađivanje organa ili tkiva može pružiti još jednu šansu za život. U posljednjih 60 godina više od 30.000 Australaca dobilo je presađeni organ/tkivo. Povećana stopa preživljavanja sada znači da se osobe, koje su dobile organe ili tkiva, mogu nadati da će imati bolji kvalitet života. Ako odlučite da se u Registar donatora ubilježite vaš pristanak da postanete donator, mogli biste spasiti i do 10 života.

Da li se imam pravo registrovati?

Svaka osoba od 16 godina i starija, koja živi u Australiji, može registrovati svoju želju da donira organ u Registar donatora.

Svaka osoba može donirati organe i/ili tkiva – ne postoji starosna granica kad je u pitanju doniranje nekih organa i tkiva. Iako će vaša starosna dob i zdravstvena anamneza biti uzeti u obzir, nemojte smatrati da ste previše mladi, stari ili ne sasvim zdravi.

Kako se mogu upisati u Registar donatora?

Možete se registrovati na sljedeće načine:

- ličnim putem – u uredu Medicare
- putem telefona - nazovete **1800 777 203****
- Preko interneta - **www.medicareaustralia.gov.au**

Ako ne želite postati donator organa ili tkiva, tu odluku možete također zabilježiti u Registar donatora na isti način.

Da li mogu da promijenim podatke upisane u Registar donatora?

Možete promijeniti bilo koje podatke koji su zabilježeni u Registru donatora, uključujući vašu odluku o donaciji, popunjavanjem formulara na kojem se bilježi izmjena podataka, a njega možete dobiti u bilo kojem Medicare uredu ili na adresi

www.medicareaustralia.gov.au

Zašto trebam dati broj svoje Medicare kartice u Registar?

Mada nije obavezno, vaš broj Medicare kartice će omogućiti Registru donatora da ima vašu najnoviju adresu. Bez vaše trenutne adrese, može biti izgubljena prilika da se spasi jedan život.

Da li trebam da razgovaram sa svojom porodicom, partnerom ili bliskom prijateljima o svojoj odluci da budem donator?

Važno je da o svojoj odluci porazgovarate sa porodicom, partnerom ili bliskim prijateljem. Oni će biti uključeni u važnom procesu doniranja tako da trebaju biti upoznati sa vašom odlukom da donirate.

Nih mogu pitati da potvrde da se niste predomislili od trenutka kad ste zabilježili svoju odluku. Ako ste evidentirali vašu odluku o donaciji organa i/ili tkiva, vašoj porodici, partneru ili prijateljima bit će postavljeno pitanje u vezi vaše zdravstvene anamneze da bi se ustanovilo koji organi i/ili tkiva bi mogli biti pogodni za presađivanje.

Što više članova porodice zna za vašu odluku o doniranju organa i tkiva, to je veća vjerovatnoća da će se vaše želje ispoštovati i da će oni prihvatiti vašu odluku.

Kada može doći do donacije organa i tkiva?

U većini slučajeva, donacija organa i tkiva za presađivanje može uslijediti samo nakon što je ustanovljena smrt mozga na intenzivnoj njezi u bolnici. Do smrti mozga dolazi kad mozak prestane funkcionisati i kad više ne postoji mogućnost oporavka. Dva nezavisna i stručno osposobljena, iskusna ljekara provode niz testova koji ustanovljuju smrt mozga.

Manje od jedan posto onih koji umru u bolnici umre na ovaj način pa stoga mogu donirati organe.

Ljudi su nekad zabrinuti ili zbunjeni kad je u pitanju razlika između smrti mozga i kome. Smrt mozga i koma su dva posve različita stanja. Pacijent u komi je bez svijesti zato što je mozak na neki način povrijeđen, ali mozak i dalje nastavlja funkcionisati i može se oporaviti. Medicinski testovi na pacijentu mogu tačno pokazati razliku između kome i smrti mozga.

Veći broj ljudi je u mogućnosti da donira tkivo za presađivanje, kao što su tkivo očiju, srčani zalisci, koštano tkivo ili koža. To je zato što za uspješno presađivanje tkiva obično nije potrebno da tkivo bude u istim specijalnim uslovima kao i organi.

Kako se odstranjuju organi i tkiva?

Odstranjivanje organa se ništa ne razlikuje od drugih hirurških operacija, a izvode ga visoko stručni hirurzi. Sa tijelom donatora se sve vrijeme postupa sa poštovanjem i dostojanstvom. Donacija organa i tkiva ne mijenja fizički izgled tijela i ne ometa pogrebne aranžmane.

Kontrolna lista

- Evidentirajte vašu odluku o donaciji organa i/ili tkiva u Registar.
- Razgovarajte sa svojom porodicom tako da oni znaju za vašu želju.

Za više informacija o Registru donatora organa

Internet **www.medicareaustralia.gov.au**

Email **aodr@medicareaustralia.gov.au**

Nazovite **1800 777 203****

TTY (teleprinter) **1800 552 152**** (Za osobe s oštećenim sluhom i poteškoćama u govoru)

TIS **131 450*** (Služba prevodilaca i tumača)

*Za ovaj poziv se plaća.

**Samo se plaća za pozive sa mobitela i iz telefonskih govornica.

Za više informacija o donaciji organa i/ili tkiva—molimo vas obratite se jednoj od sljedećih organizacija:

New South Wales

Level 6, 4 Belgrave Street

Kogarah NSW 2217

Tel **02 8566 1700**

Australian Capital Territory

Canberra Hospital

Yamba Drive, Garran ACT 2605

Tel **02 6244 3071**

South Australia

Level 6, 45 Grenfell Street

Adelaide SA 5000

Tel **08 8207 7117**

Northern Territory

1st floor, Royal Darwin Hospital

Rocklands Drive, Tiwi NT 0810

Tel **08 8922 8786**

Victoria

538 Swanson Street

Carlton VIC 3053

Tel **03 9349 4762**

Queensland

Level 4, Building 1

Princess Alexandra Hospital

Ipswich Road, Woolloongabba QLD 4102

Tel **07 3240 2350**

Western Australia

6th floor, Albert Facey House

469 Wellington Street, Perth WA 6000

Tel **08 9222 0222**

Tasmania

Level 3, Hobart Corporate Centre

85 Macquarie Street, Hobart TAS 7000

Tel **03 6270 2209**

Australian Organ and Tissue Authority

Level 5, 51 Allara Street

Canberra City ACT 2600

Tel **02 6198 9800**